

2. Der guten Ritterschafft vbung.

Es ist auch diese Ritterschafft weit weit vnterschieden von der Welt Ritterschafft in der sich Christen leiden / viel andere wol dem Hellsichen Saul dienen / Geld nehmen / vnd einen vnschuldigen David verschlungen / so wol von der Ritterschafft des Fleisches / da man seine Glieder begibt zum dienste der Vngerechtigkeit von einer vngerechtigkeit zu der andern / Ingleichen von der Ritterschafft des Blutdürstigen Antichrists / vnd seiner schar / die eine Vnheilige / verfluchte Ritterschafft führen / ihre Eysen wieder die kleine Herde des HERRN spizen vnd schärffen / mit herzlichem verlangen nach ihnem angelegten freudensfeuer vnd Blutbade sich sehnen.

Unsere Ritterschafft aber ist eine gute Ritterschafft / mit Wachen / Lehren / Vermahnen / Beten / streiten / Leiden / arbeiten / gering / veracht / vnseelig für der Welt / Hoch / gros / seelig für Gott 2. Corinth. 5. Durch Waffender Gerechtigkeit / zur rechten vnd lincken / durch Ehre vnd schande durch böse gerüchte / vnd gute gerüchte / 2. Corinth. 6. habend vnd tragende / solchen schatz in Irdischen gefessen / darzu allendhalben trübsall / aber wir engsten vns nicht / vns ist bang / aber wir verzagen nicht / wir leiden verfolgung / aber wir werden nicht verlassen / wir werden vntergedruckt / aber wir kommen nicht vmb / vnd tragen vmb alle zeit das sterben des HERRN IESU an vnsern Leibe / auff das auch das leben / des HERRN IESU

E

ES

Vnterscheid dieser vnd anderer Ritterschafften.

Isa. 40.
1. Sam. 18. 2. 13.
Rom. 6.
Gal. 5. 6.
Gen. 6. 19.
Iudic. 19. Rom. 1
Exod. 2. 14.
1. Ioan 2.
Apoc. 17.
Ioan. 16.
Luc. 12.
Psal. 79.
Daniel. 3.
Apoc. 18.

Der Christen Ritterschafft.

2. Cor. 12.
2. Tim. 4.
1. Cor. 5.
Luc. 16.
Psal. 91. Dan 11. 12.
Matth. 5.
Tertull. in Apol. Matth. 13.
Psal. 102. 119.
Matth. 6.
Isa. 26. 28.
2. Tim. 3.
Syrach. 2.
Psal. 118. 138.
Rom. 8.
2. Tim. 2.
Psal. 44.
Coll. 3.